



Damondas da baghegiar

Nr. 12/2022

Datum da publicaziun: 11-02-2022
Patrun: Maissen Modest, 7175 Sumvitg
Representant: Rafael Guldemann GmbH, 7166 Trun
Liug e parcella: Sumvitg-Via Sursilvana; 4723
Object: Midada da scaldament naven dad ieli sin pompa da calira

Nr. 13/2022

Datum da publicaziun: 11-02-2022
Patrun: Bearth-Candinas Armon e Claudia, 7175 Sumvitg
Representant: Solpic AG, 7130 Glion
Liug e parcella: Sumvitg-Via Quadras Sut; 4829
Object: Installaziun d'in indrez fotovoltaic sin tetg

Nr. 14/2022

Datum da publicaziun: 11-02-2022
Patrun: Maissen Adalbert, 7172 Rabius
Liug e parcella: Rabius-Via Sursilvana; 169
Object: Remplazzament dallas portas garascha e lavurs da manteniment vid fassada dalla garascha

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 10/2022

Baselgia Andreas, 7172 Rabius; lavur da manteniment vid fatschadas, curtin d'unviern e remplazzar canals dil baghetg nr. 489 sin parcella nr. 219 a Rabius-Via Sursilvana.

Sumvitg, 11-02-2021

Cumissiun da baghegiar

Votaziuns federalas dils 13-02-2022 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 13-02-2022, dallas 10.00 – 11.00 uras

Sonda e dumengia, ils 12 e 13 da fevrer 2022 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 11-02-2022

Biro electoral

ELECZIUNS COMMUNALAS 2022

Demissiuns d'uffecis

Sin fundament d'art. 19 dalla lescha da votaziuns ed elecziuns han ils suandonts officials comunals inoltrau lur demissiun sin ils 31 da schaner:

a) Suprastonza communal

Candinas Armin, Rabius	president communal
Bearth Giusep, Sumvitg	gerau
Berther Flurin, Rabius	gerau
Candinas Robert, Surrein	gerau
Duff Marcus, Cumpadials	gerau

b) Cumissiun da quen e gestiun

Schnoz Manuela, Rabius	presidenta
Vincenz Rafaela, Sumvitg	commembra

c) Cumissiun da baghegiar

Beer Davide, Rabius	president
Veckmans Sonia, Sumvitg	commembra

Officials che han buca demissiunau

Ils suandonts officials han buca demissiunau e valan consequentamein sco proponi tenor art. 21 dalla lescha da votaziuns ed elecziuns:

a) Cumissiun da baghegiar

Forster Ulrich, Surrein
Monn Erwin, Sumvitg

b) Cumissiun da quen e gestiun

Damiano Michele, Rabius

Nominaziuns novas

Tenor art. 21 dalla lescha da votaziuns ed elecziuns san ils vischinadis ni gruppaziuns da silmeins 15 votants far nominaziuns da candidats per scadin post che stat en elecziun. Tuttas propostas per la gliesta officiala ein d'inoltrar a scret all'administraziun communal entochen ils **15 da mars**. Sin giavisch tarmetta l'administraziun tier ad interessents ni gruppaziuns gliestas per nominaziuns. Scadina proposta sto vegnir inoltrada cun la gliesta officiala. Las elecziuns ein fixadas sin dumengia, **ils 10 d'avrel 2022**.

Mintga vischin proponiu sto vegnir orientaus digl'emprems sutsignau dalla gliesta ch'el vegni proponius sco candidat per in uffeci e sto confirmar quei cun sia suttascripziun. Las candidaturas ston mintgamai cuntener num, prenum, onn da naschientscha, liug e professiun dil nominau.

Uffeci civil Surselva

Mortori

Cabalar-Maissen Bernadetta, naschida ils 15-01-1934, morta ils 30-01-2022, stada sesenta a Sumvitg.

Sumvitg, 11-02-2022

Controlla da habitonts

Inoltraziun declaronza da taglia 2021

Tuttas personas naturalas cun dimora fiscala en vischnaunca ni schischom ein obligadas d'inoltrar ina declaronza da taglia.

Termins per inoltrar la declaronza da taglia

Ils suandonts termins ein da risguardar per inoltrar la declaronza da taglia:

- **31 da mars 2022** per personas cun activad da gudogn dependenta, scolars, students, pensiunai, disoccupai.
- **30 da settember 2022** per personas cun activad da gudogn independent, societads semplas e personas domiciladas ordeifer il cantun cun interpresas el Grischun.
- **30 da settember 2022** per personas domiciladas ordeifer il cantun cun immobilias en vischnaunca (obligaziun limitada da pagar taglia).

Impurtont

Las declaraziuns da taglia 2021 ein d'inoltrar sco suonda:

Administraziun da taglia dil cantun Grischun
Verarbeitungszentrum 1/KO
Steinbruchstrasse 18, 7001 Cuera

Damondas da prolungaziun dil termin d'inoltrar la declaraziun da taglia ein d'inoltrar sco suonda:

- online: www.stv.gr.ch (Fristenerstreckung)
- Las damondas da prolungaziun ein d'inoltrar cun las suandontas indicaziuns: numera da register cumpletta (inclus numera da vischnaunca 673- per Sumvitg e 696- per Trun), num, prenum e vischnaunca da domicil.
- Ils termins concedi vegnan buca confirmai ed ein en general buca prolungabels. En cass singuls e motivai sa in ulterior termin excepziunalmein vegnir dumandaus.

L'allianza da taglia Trun-Sumvitg supplichescha da prender enconuschientscha da quellas midadas.

Ulteriuras informaziuns

Personas che han buca retschert la declaronza da taglia ston tuttina ademplir lur obligaziun ed inoltrar la declaronza da taglia enteifer il termin sura menziunau (art. 127 LT). Tgi che ha buca survegniu ils formulars sa pretender quels tier l'allianza da taglia Trun-Sumvitg (081 920 25 01).

Conjugals che vivan giuridicamein ed effectivamein en ina lètg nunseparada ein suttamess comunablamein alla taglia. Las entradas e la facultad vegnan summadas senza risguardar il stadi dils beins.

Davart ulteriuras damondas stat l'allianza da taglia Trun-Sumvitg a disposiziun.

Sumvitg 11-02-2022

Allianza da taglia Trun-Sumvitg

Serrada via Val Sumvitg

Ord motivs da segirtad resta la via Val Sumvitg **serrada** naven d'immediat sil tschancun da Val anen per tut traffic.

Sumvitg, 11-02-2022

Departament traffic

Evaluaziun dallas structuradas agricolas 2022

Era uon succeda la dumbraziun da tiers e prender si las surfatschas agricolas all'entschatta digl onn 2022. Per la dumbraziun da tiers valan il datum dils 1 da schaner 2022 ed il diember intermediar digl onn 2021.

Las surfatschas vegnan pridas si sur il sistem Agri – Gis. Tut ils purs tschentan ora lur documents sur igl internet. La finiastra ei aviarta naven dils **27 da schaner 2022 entochen ils 10 da fevrer 2022**. Niev ston las datas mo pli vegnidadas activadas ed ils formulars ston buca pli vegnir stampai e suttascrets per dar giu al gerau d'agricultura ni sin canzlia communal.

Niev vegnan ils menaschis d'apiculturs, ils menaschis pigns cun entginas gaglinas, cunegls eav. era annunziati per internet.

Perquei che quei ei l'emprescha gada vegn la finiastra d'internet per quels menaschis aviarta ils 17 da mars 2022 entochen ils 31 da mars 2022.

Cura che las datas ein activadas ston ils formulars (fegl da menaschi e mutaziuns dallas surfatschas) vegnir stampai, suttascrets e lu dai giu all'administraziun communal ni sil pli tard purtai spersavi ils **10 da fevrer 2022 naven dallas 13.00 entochen las 16.00 uras en sala dalla casa da scola Cumpadials**.

Possessurs che han difficultads da tschentar ora lur documents san contactar il gerau d'agricultura Marcus Duff silla numera 079 351 20 96.

Nus supplichein da setener vid quelladas directivas e risguardar ils termins fixai.

Sumvitg 11-02-2022

Departament d'agricultura

Uniun Rabius anavon

Radunonza generala

Invitaziun alla radunonza generala dall'Uniun Rabius anavon da **venderdis, ils 25 da fevrer 2022**, allas 20.00 ella halla da gimnastica dalla casa da scola a Rabius. Tuttas commembras e tuts commembers sco era hosps ed interessai ein cordialmein envidai. Ulteriuras informaziuns ein publicadas sut www.rabius.ch.

Tractandas:

1. beinvegner
2. elecziun da dus dumbavuschs
3. informaziun dallas decisziuns dalla radunonza a scret dils 27-3-2021
4. rapport dil president
5. rendaquen e rapport dils revisurs
6. fixar la contribuziun annunala 2022
7. mutaziuns e novs commembradis
8. elecziuns/reelecziuns: suprastonza, responsabel digl inventari, revisurs
9. nominaziuns da candidatas e candidats per la suprastonza communal, cumissiun da quen e gestiun e cumissiun da baghegiar
10. program da lavur cun preventiv 2022
11. damonda Sumvitg turissem per susteniment finanziar per in minitrail da bike e preit da reiver ad Igniu
12. comunicaziuns
13. varia

Suprastonza Uniun Rabius anavon